

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Philippi Melanchthonis Grammatica Latina**

**Melanchthon, Philipp**

**Wittebergae, 1621**

Caput VIII. Syntaxis pronominum intransitiva

[urn:nbn:de:bsz:31-112308](https://nbn-resolving.org/urn:nbn:de:bsz:31-112308)

Δ Idem Comici vocem Opus ratò<sup>3</sup> cum  
Accusativo construunt. ut: *Mibi quidem u-*  
*nam argenti minam<sup>4</sup> opus est.* Plaut. *Puero o-*  
*pus est cibum.<sup>5</sup>*

Hæc de Nominum Syntaxi.

## CAPUT VIII.

## SYNTAXIS PRONOMINUM

Intransitiva.

## REGULA I.

\*Quando Possessio vel Actio in aliud signi-  
ficatur, utimur Possessivis Pronominibus,  
eodè<sup>1</sup> genere, numero, & casu cum re posses-  
sa. ut:

*Liber meus. Ager tuus. Labores vestri.*

*Amor meus, i. e. quo ego alios prosequor.*

† Quando autem Substantiva significant  
partem<sup>2</sup> aliquam possidentis; Genitivis Pri-  
mitivorum utimur. ut: *Parte tamen meliore*  
*mei super alta perennis Astra ferar.* Ovid. *Parte*  
*mei: non mea, (i. e. Mente seu Fama.) Manus*  
*pars mei est: Non mea. Sed, Fundus est pars*  
*mea: non mei.*

Δ NOTA. *Sua manu, Supte manu. Sua*  
*ipsius manu*, pro *Manu propria*, rectè dicitur.  
Non autem, *Sua propria manu.* aut, *Sui ipsius*  
*manu.*

## REGULA II.

Δ Pronominibus Possessivis adduntur in-  
terdum Genitivi<sup>1</sup> Nominum, Pronominum,  
S aut



aut Participiorum, qui & ipsi Possessionem significant & declarant. ut:

Nom. *Solius meum peccatum corrigi non potest.*  
Cic. lib. 11. Att. ep. 15.

*Noster duorum eventus ostendet, utra gens bello sit melior.* Liv. lib. 7. ab U.C.

*Tuum hominis simplicis peccatus vidimus.* Cic. 2. Phil.

2. Pron. De tuo <sup>2</sup> ipsius studio conjecturam ceperis.  
Cic. pro Mur:

*Tuam ipsius animam pertransibit gladius. Aves fetus suos, quum visi sunt adulti, libero caelo, suaq; ipsorum fiducia permittunt.* Quintil. 2. 7.

3. *Id maxime decet, quod est suum cuiusque <sup>3</sup> maxime.* Cic. 2. Off.

Part. — Quum mea nemo

*Scripta legat, vulgo recitare timentis.* Horat. l. 1. Sat. 4.

*Sapè rogabis, ut mea defuncta molliter offa cubent.* Ovid. l. 1. Amor. el. 8.

4. *Et flesti, & nostros <sup>4</sup> vidisti flentis ocellos.*  
Ovid.

NOTA. Δ I. Quando Genitivus Participii per Relativum in Verbum mutatur, tunc convenit Relativum Possessorem notans, cum Primitivo Possessivi, quod in Antecedente ponitur. <sup>5</sup> ut:

*Nec mea verba legis, qui sum submotus ad Istru.*  
Ovid. 3. Pont. el. 4.

*Omnes laudare fortunas meas, qui gnatum haberem tali ingenio prae ditum.* Ter. And. 1. 1.

II. In-

Δ II. Interd

SIBI dicitur

Suo sibi tunc gl

Singula (suo sibi)

rer equet

Suo sibi argum

\* Relativu

fam significa

Dignus est

Satin famu

Δ Pronom

nem Copulati

explicit, usq;

ut: Per unum

confe

Plurimis n

illastri

Pancis man

A

† Nonquam

sciam in Reci

Barbara igitur

Novi sui patren

Sed tantum ad

& suam famam

† Reciproco Pr

quam vel Terri

sciplam. ut: Ca



Δ II. Interdum Pronomini SUO, Dativus SIBI adjicitur. ut :

*Suo sibi hunc gladio jugula. Ter. Ad. 5. 8.*

*Singula suo sibi jure abluito. Colum. 12. 54. In iherer eignen brühe.*

*Suo sibi argumento confutatus est. Gell. 5. 10.*

## REGULA III.

\* Relativum *Qui, Quae, Quod*, quando Causam significat, Conjunctivum petit. ut :

*Dignus est qui ametur. i. e. ut ametur.*

*Satin' sanus es, qui me id rogitet? Ter. i. e. quod.*

## REGULA IV.

Δ Pronomen IS, interdum post Cōjunctio- nem Copulativam ponitur, ut priora plenius explicet, iisq; vehementiam quandam addat.

ut: *Per unum servum, & cum ex gladiatorio ludo, confecit totum negotiū. Cic. Att. l. 1. ep. 11.*

*Plurimis nostris exemplis usus es, & iis quidem illastribus. Cic. 2. de divin.*

*Paucis nummis superbit, nec iis suis.*

## REGULA V.

† Nunquam ad primam vel secundam personam fit Reciprocatio.

Barbara igitur sunt: *Dedi sibi. Dixi sibi. Fui secū.*

*Novi suū patrem. Dixisti sibi. Nosti suū fratrem?*

Sed tantum ad Tertiam. ut: *Vir bonus curat se & suam famam.*

## REGULA VI.

† Reciproco Primitivo SUI, SIBI, SE, utimur, quum vel Tertia persona immediatè transit in seipsam. ut: *Cesar amat se.*

S 2

Recor-



*Recordatur sui. Indulget sibi.*

*Loquitur secum. Oblitus sui est.*

2. Vel quum actio posterioris Verbi retrans-  
it<sup>2</sup> in tertiam personam Verbi prioris. *ut:*

*Orare iussit heram Chrysidem, ut ad se veniat: sc.  
ad orantem heram.*

*Bonus pater intelligit, omnes æquè filios ad se per-  
tinere: se, ad patrem.*

## REGULA VII.

† Reciproco SUUS utimur, I. quum vel  
tertia persona immediatè transit in rem à se  
possessam: *ut:*

*Cicero recordatur liberti sui: indulget liberis suis:  
defendit suos clientes: scripsit hæc sua manu.*

II. Vel quum actio posterioris Verbi re-  
transit in personam prioris, tanquam in pos-  
sidentem. *ut:*

*Timet Pompeius, ne se veterani sui deserant.*

*Rogatur à Cesare, ut suas partes sequatur.*

*Pythius piscatores rogavit, ut piscarentur ante  
hortos suos. Cic. 3. Off.*

Interdum tamen, si plures Tertiæ personæ  
concurrunt, ambiguitatis vitandæ causa, u-  
surpatur Relativum. *ut:*

*Vas factus est alter, ut si ille non revertisset,  
moriendum esset ipsi. Cic. 3. Off. sc. Vadi.*

I. Vel quum res possessa in possessorem  
agit. *ut:*<sup>1</sup>


*Ulciscentur illum mores sui. Cic. Att. lib. 9.*

*Sua concio risit hominem. Cic. de Arusp.*

*Trabit*



*Trahit sua quemque voluptas. Virg. 2. Ecl.*

Δ ΝΟΤΑ. Possessivum SUUS, interdum non est Reciprocum, sed accipitur pro eo quod est Latinis Proprius, <sup>2</sup> Græcis ἴδιος vel *cines*  ut:

*Suus cuique mos est. Ter. Phorm. 2. 4.*

*Suis aliquem laudibus ornare. i. e. propriis, non alienis.*

Interdum etiam SUUS, est quasi Substantivum. <sup>3</sup> ut:

*Reperi eum cum Suis, vel inter Suos.*

*Quæ sivit, salvusne esset clypeus? quum salvum esse stentes Sui respondissent, rogavit, &c.*

## REGULA VIII.

Δ In Reciprocatione Simplici, si Præpositio intercedit, tum promiscuè vel per Reciprocum SUUS, vel per Genitivos Relativorum loqui licebit. ut: *Cepi, Cepisti, Cepit Columbam cum pullis suis, in nido suo.*

Et, *Cepi, Cepisti, Cepit Columbam cum pullis eius, in nido eius.*

Si tamen addatur Nomen Adjectivum, Participium, aut Verbum, ad quod referatur Possessio; tunc Pronomine SUUS utendum est.

ut:

*Incidit in Leonem iratum ob amissam prædam suam.*

*Video Columbam tristem in periculo pullorum suorum.*

*Scio illum dolere ob fortunam suam.*

S 3

Video



*Video hominem ambulans per domum suam.*

Quando verò Conjunctio Obliquos intercedit, Reciprocum non habet locum. *ut: Ceperisam, & catulos eius. Non, suos.*

## REGULA IX.

△ Quando in Reciprocatione Simplicii sunt tres personæ tertiæ, & possessio ad secundo loco positam refertur; tunc vitandæ ambiguitatis gratia, utemur Genitivis Relativorum. *ut:*

*Vulpes cepit Gallinam, cum pullis eius. sc. Gallina.*

*Petrus amat Christum propter bonitatem ipsius. sc. Christi.*

*Joseph sedit Domino non suum, sed eius filium dilectum, in quo ei bene complacuit. Bernhard. sermon: 1. de Purif.*

Si verò Possessio referatur ad personam primo loco positam, SUUS potius usurpatur. *ut:*

*Deus tuetur hominem propter bonitatem suam. sc. Dei tuentis.*

## REGULA X.

† Quoties Nominativus vel Accusativus præcedit Præpositionem INTER, tunc per Reciprocum SE loquuntur Autores. *ut: Omnes partes inter se quodam lepore consentiunt. Cic. 1. off. Damonem & Pythiam Pythagoreos ferunt hoc animo inter se fuisse. Cic. 3. Off.*

Si verò præcedit Genitivus, Dativus, vel Ablativus; tam Relativis, quam Reciprocis  
tui



tui solent. ut: *Vetus verbum est: Communia esse amicorum inter se omnia. Ter. Ad 5,3. Grammaticis inter ipsos, & Philosophis pugna est. Quintil. 8. 6.*

REGULA XI.

Δ Quando de duobus loquimur; Pronomen Reciprocum refert principale suppositum Verbi. ut: *Petrus diligit Iohannem, & filium suum. sc. Petri.*

Relativum autem respicit Obliquum à Verbo gubernatum. ut: *Petrus diligit Iohannem & filium eius, sc. Iohannis. Cepit ursam, & catulos eius. sc. ursæ. Non, suos.*

REGULA XII.

† Quisque, & Unusquisque, Reciproco Pronomine gaudent. ut: *Quisque suos patimur manes. Virg. 6. Æn: Quisque sibi placet, & sapiens sibi quisque videtur. Paling. l.8. Est suus unicuique locus. Hor. l.1. sat. 9.*

CAPUT IX.

SYNTAXIS PRONOMINUM

Transitiva.

REGULA I.

† Genitivi *Mei, Tui, Sui, Nostri & Vestri*, subjiciuntur Nominibus Affectuum, & similibus, quando Passivè significant. ut: *Victus amore tui. [ II. Æn. ] i. e. qvo tu amaris. Ne studio nostri pecces. Horat. l.1. ep. 13. i. e. eo studio qvo nos observamur.*

S 4 Inter-